

ÁKVÖRÐUN FRAMKVÆMDASTJÓRNARINNAR

2015/EES/46/62

frá 21. maí 2010

um niðurfellingu ákvörðunar 2002/627/EB um að koma á fót evrópskum hópi eftirlitsaðila fyrir rafræn fjarskiptanet og -þjónustu

(2010/299/ESB) (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

og að teknu tilliti til eftirfarandi:

- 1) Í framhaldi af því að árið 2002 var komið á fót regluramma fyrir rafræn fjarskiptanet og -þjónustu í samræmi við tilskipanir Evrópuþingsins og ráðsins 2002/21/EB frá 7. mars 2002 um sameiginlegan regluramma um rafræn fjarskiptanet og -þjónustu (rammatilskipun) ⁽¹⁾, 2002/19/EB frá 7. mars 2002 um aðgang að rafrænum fjarskiptanetum og samtengingu þeirra og tilheyrandi aðstöðu (tilskipun um aðgang) ⁽²⁾, 2002/20/EB frá 7. mars 2002 um heimild fyrir rafrænum fjarskiptanetum og -þjónustu (heimildartilskipun) ⁽³⁾ og 2002/22/EB frá 7. mars 2002 um alþjónustu og réttindi notenda að því er varðar rafræn fjarskiptanet og -þjónustu (tilskipun um alþjónustu) ⁽⁴⁾, samþykkti framkvæmdastjórnin ákvörðun 2002/627/EB ⁽⁵⁾ um að koma á fót ráðgjafarhópi sjálfstæðra, landsbundinna stjórnvalda um rafræn fjarskiptanet og -þjónustu sem kallaður er evrópskur hópur eftirlitsaðila fyrir rafræn fjarskiptanet og -þjónustu.
- 2) Evrópskur hópur eftirlitsaðila fyrir rafræn fjarskiptanet og -þjónustu hefur haft góð áhrif á samræmda framkvæmd regluverks með því að greiða fyrir samvinnu milli landsbundinna stjórnvalda og milli landsbundinna stjórnvalda og framkvæmdastjórnarinnar og með því að vera vettvangur ráðgjafar og aðstoðar fyrir framkvæmdastjórnina á sviði rafrænna fjarskipta.
- 3) Reglurammanum frá 2002 fyrir rafræn fjarskipti hefur verið breytt með tilskipun Evrópuþingsins og ráðsins

2009/140/EB ⁽⁶⁾ og með tilskipun Evrópuþingsins og ráðsins 2009/136/EB ⁽⁷⁾ og bætt var við hann með reglugerð Evrópuþingsins og ráðsins (EB) nr. 1211/2009 frá 25. nóvember 2009 um að koma á fót evrópskum hópi eftirlitsaðila á sviði rafrænna fjarskipta (BEREC) og skrifstofu hans ⁽⁸⁾.

- 4) Samkvæmt reglugerð (EB) nr. 1211/2009 er það hlutverk sem hópur eftirlitsaðila með rafrænum fjarskiptanetum og -þjónustu (ERG) gegndi áður styrkt og veitt aukin viðurkenning í endurskoðaða rammanum, með stofnun evrópsks hóps eftirlitsaðila á sviði rafrænna fjarskipta (BEREC) og aukinnar þátttöku hans í mótun reglu- setningar svo og í því fyrirkomulagi sem komið er á til að tryggja samræmda framkvæmd reglna í öllum aðildarríkjunum. Einkum samkvæmt þeirri reglugerð á evrópskur hópur eftirlitsaðila á sviði rafrænna fjarskipta að koma í staðinn fyrir evrópskan hóp eftirlitsaðila og starfa sem eini vettvangur fyrir samstarf landsbundinna stjórnvalda og samstarf landsbundinna stjórnvalda við framkvæmdastjórnina við að gegna öllum skyldum þeirra samkvæmt regluramma ESB.
- 5) Því ber að fella ákvörðun 2002/627/EB úr gildi.

SAMÞYKKT ÁKVÖRÐUN ÞESSA:

Stök grein

Tilskipun 2002/627/EB er hér með felld úr gildi frá og með 1. júní 2010.

Gjört í Brussel 21. maí 2010.

Fyrir hönd framkvæmdastjórnarinnar,

José Manuel BARROSO

forseti.

(*) Þessi ESB-gerð birtist í Stjtið. ESB L 127, 26.5.2010, bls. 18. Hennar var getið í ákvörðun sameiginlegu EES-nefndarinnar nr. 105/2015 frá 30. apríl 2015 um breytingu á XI. viðauka (Rafræn fjarskipti, hljóð- og myndmiðlun og upplýsingasamfélagið) við EES-samninginn og bókun 37 við EES-samninginn með skrá sem kveðið er á um í 101. gr., biður birtingar.

⁽¹⁾ Stjtið. EB L 108, 24.4.2002, bls. 33.

⁽²⁾ Stjtið. EB L 108, 24.4.2002, bls. 7.

⁽³⁾ Stjtið. EB L 108, 24.4.2002, bls. 21.

⁽⁴⁾ Stjtið. EB L 108, 24.4.2002, bls. 51.

⁽⁵⁾ Stjtið. EB L 200, 30.7.2002, bls. 38.

⁽⁶⁾ Stjtið. ESB L 337, 18.12.2009, bls. 37.

⁽⁷⁾ Stjtið. ESB L 337, 18.12.2009, bls. 11.

⁽⁸⁾ Stjtið. ESB L 337, 18.12.2009, bls. 1.